

影印
文淵閣

四庫全書

影印

文淵閣四庫全書

第一一二三冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

東	浮	襄	附	摘	附	補	拾	慶	灌
堂	汴	陵		文				湖	園
		文		堂				遺	
								老	
								詩	
集	集	集	錄	集	錄	遺	遺	集	集

宋	宋	宋	宋	宋	宋
毛	周行己撰	許翰撰	慕容彥逢撰	賀鑄撰	呂南公撰
……	……	……	……	……	……
六九五	五九九	四九一	二九七	一九三	一

欽定四庫全書

集部

灌園集
目錄
卷一

詳校官庶吉士臣陳若霖

侍讀臣孫球覆勘

滕錄監生臣任溥

滕錄監生臣黃鐘

欽定四庫全書

集部三

提要

灌園集二十卷

別集類二宋

臣等謹案灌園集二十卷宋呂南公撰南公

字次儒南城人宋史文苑傳稱其於書無所

不讀於文不肯綴緝陳言熙寧中士方推崇

馬融王肅許慎之業

熙寧中科舉所用乃王安石三經新義及字

說非馬融王肅許慎之學此語殊為乖妄宋史荒陋此亦一端謹附糾其謬

剽掠

欽定四庫全書

灌園集
提要

臨摹南公度不能逐時好一試禮闈不偶退

築室灌園不復以進取為意元祐初立十科

薦士中書舍人曾肇上疏薦其不事俗學安

貧守道堪充師表廷議欲授以官未及而卒

陳振孫書錄解題稱南公欲修三國志名其

齋曰袞斧將成而南公卒書亦不傳惟其子

郁編次遺文為三十卷然刊板久佚流傳遂

絕僅存抄本呂次儒集一卷惟錄麻姑山詩

二十四首福山詩一首及錢鄧州不燒紙鏐

頌義鷹志龍母墓三篇蓋後人從宋文鑑及

麻姑山志抄撮而成十不存一今據永樂大

典所載哀輯薈萃篇帙尚夥謹依類排次釐

為二十卷雖不必盡符原數視世所傳本則

賅備多矣南公與汪秘校論文書自言於列

莊六經百家十八代史因文見道沈酣而演

繹之私心自許謂文學之事雖使聖人復生

欽定四庫全書

灌園集
提要

不得廢吾所是惟當勒成一家俟之百世又

曰堯舜以來楊馬以前與夫韓柳之作此某

所謂文者若乃場屋詭偽刼剝穿鑿猥冗之

文則某之所耻者必若黃河泰山峻厚高簡

渾灝奔注與天地齊同而日月不能老之者

此某之所以究心今讀其集雖所言不無過

夸然其覃精殫思以力追秦漢要亦毅然不

惑於俗學者也乾隆四十六年九月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

灌園集
提要

灌園集原序

劉夢得嘗稱瀟湘間無土山無濁水民乘是氣往往清
慧而文吾鄉麻源地氣殊異江山炳靈視瀟湘間為不
足道近時人物磊落相望其位于朝光顯者固多而隱
於韋布卓立傑出如灌園先生者世未必知之曾子固
獨愛重其文謂麻姑秀氣世不乏人豈虛言哉先生幼
而警敏力學不倦於書無所不讀發為文章雄深浩渺
自成一家羞同舉子輩綴緝陳言氣象萎萎迎合有司
欽定四庫全書

灌園集
原序

速殆難以理推蓋命也夫先生姓呂氏諱南公字次儒
其子郁亦有學問能世其家收拾先生遺稿編成三十
卷紹興壬戌余領漕江右巡行到鄉郁携以見訪且屬
為序欲傳不朽因循久未暇作後二年移憲浙部不遠
千里以書來請益堅義不得辭於是乎書南豐符行中
序

欽定四庫全書

灌園集
原序

欽定四庫全書

灌園集目錄

卷一

五言古詩

卷二

五言古詩

卷三

五言古詩

欽定四庫全書

灌園集
目錄

卷四

七言古詩

五言律詩

卷五

七言律詩

卷六

七言律詩

五言絕句

七言絕句

詩餘

卷七

議

論

序

卷八

序

欽定四庫全書

灌園集
目錄

卷九

記

卷十

書

卷十一

書

卷十二

書

卷十三

書

卷十四

書

卷十五

書

啟

卷十六

欽定四庫全書

淮園集
目錄

三

傳

頌

贊

銘

卷十七

雜著

卷十八

雜著

卷十九

墓表

墓誌

墓誌銘

卷二十

墓誌銘

祭文

欽定四庫全書

淮園集
目錄

四

欽定四庫全書

灌園集卷一

宋 呂南公 撰

五言古詩

題仁樂亭

真山蓄幽奇，偽山逞瑰怪。峰巒紛變現，座席疑廣大。未
穿披雲履，對此亦清快。

虎泉

昔聞孤女子，遇虎斯泉側。高僧為追訶，耳不敢食歲。

欽定四庫全書

灌園集
卷一

月幾何時，稱談如宿夕。故知事可傳，豈限涔泓窄。

虛假行

虛假復虛假，名陶不知瓦。養子役于人，不如生犬馬。公
私嚴忌諱，勢利關取舍。生既疎遠喪，死更苟且苴。麻
不敢服，桐竹何由把。未得久哀呼，方當勤唯喏。百年聞
罔極，一瞬經廬下。豈不近冠裳，驅牽到乖寡。沾沾荷鋤
子，言動只山野。終制負凶繯，興辭淚如瀉。諸儒論鄙俗，
不若都人雅。請問兩間民，誰為稱情者。

遊子篇

遊子朱門兒，行樂畏不足。遐方寒苦士，自贊乞隨逐。朝
馳錦韉末，夕譙鳳屏曲。雄豪棄殘膳，聲色化耳目。來時
布素衣，羞耻見羅穀。幾許膏粱味，嗜好諱水菽。勞勞車
馬塵，冉冉歲月速。家書懶拆封，舊業廢編牘。間嘗夢故
國，驚覺如被辱。安知愜快餘，窮愁入皮肉。趨承偶踰節，
况味稍踳跼。長年倚恩輝，積漸致輕瀆。因逢故人語，始
歎誤程躅。都城名利場，豈不多所欲。從前入關客，無慮
共貧毒。商鄜聚珍貨，科舉仰廩祿。神乎奪我魄，而獨迷
所屬。何人不謀身，計慮自不淑。寄聲風塵子，哀恨吾已
酷。當知帝里游，有禍亦有福。

萋萋原上田

萋萋原上田，春至早已種。塢塢樊間圃，蔬好亦培壅。農
家樂地利，倚此擬微俸。依隨節序停，領畧兒孫衆。徒耕
有誰語，各息無愁夢。冷看里諸生，焦心望鄉貢。
和道先從義，同過張掾梅花下。飲二首

欽定四庫全書

灌園集
卷一

山人如寒松無可媚鴛蝶諒非清峻契誰肯畧顧接春
城偶來至豪士懶舉睫幽幽法曹廳一往乃敢輒主人
雖壯齒酷愛文字業相看論古書術不計勇怯陳家俊
公子德義敦慶葉聞我適過從逢衣遽披攝老成北扉
掾喜客若渙獵招呼倒清樽促迫信重疊梅花香樹下
共醉死牛脇勿憂侵暮冷坐我有氍毹飛飛落梅英繞
座不待折煌煌畫蠟燭未夜已戒設徵詩為罰令獻白
作飲節譚高衡或爭笑猛倒還絕李侯解縣印心注象

欽定四庫全書

淮園集
卷一

三

渠中水

咨爾渠中水源流本何許特無停瀉分得此奔逝苦過
村穢濯漑合澗渾沙土還當歸海日亦助雲濤巨

野翠堂

重城似郊垌接眼盡蒼翠無復見枯疎共疑春每至丘

樊豈少此野叟不自貴

鴉聲

鴉聲譟人凶聽者知慘然忠言論禍福受之如不聞禽
口不可緘人言因義發畏禽而忽人使我心如割

小蟲

大螭身尺餘輝彩盈首尾小蟲未知名長不過半指相
遭離畔草錯愕雜憂喜孤征有令凶忿鬪莫我止交攻
久騰突反覆召傾毀蟻跳欲忘生蟲怒乃抵死奔衝徹

欽定四庫全書

淮園集
卷一

四

豕

心腹劫捷沸唇背方磨雨痕沙又墮足跡水肥無敏才
智短有毒牙齒吾豪且深侵彼困漫決起壯軀俄奄奄
恨血稍泚泚蟲休遂馳歸少頃復臨坻安詳銜蟻鼻拖
擦繞離趾却納幽穴中其將食之矣人間有勝負不在
校形體樓閣雖雄王命盡傳介子新家巨無霸一戰亦
為鬼苟惟性資悍端可制魁偉君看小蟲威何獨畏封

有蟲

堂陰闌曲沼其浸可濫觴有蟲宅其間游息能自將名
號亂龜鼈形軀亞蜉蝣何知一生微煩以氣調張秋風
七八月泓浸稍減常低回尚飄然未若謀穴藏十月水
泉竭泥沙暴枯霜迷迷舊堦堦影迹類已藏延綿盈晷
多天雨斷霽霧皆言此蟲絕軀殼應碎殭咨嗟亦含氣
所託異慨慷邇來節令改泰卦直春陽甘霖一夕飛濯
注成濺汪凌晨沼面漲蟲輩早奮揚上下逞風操同形
喜相望如知出處時故以偏仄忘余嘗舍其側終始得
欽定四庫全書

淮園集
卷一

五

瞻相因思物理深未易草草量江海非不大其魚每屠
傷此沼固褊淺其蟲乃靈長浮生短與修有命不可襄
運數苟未盡憂悲豈其戕安危與時俱窮達須預防所
以真至人如往皆暇遑

勝因院

莊嚴起何代幽佚惟天與有衆倚耕桑無人歎寒暑嵐
氛盡金碧谷響酬鐘鼓白晝方丈西猶眠聽經虎

招豫亭飲

愛酒不日醉多為病相妨飢虛或傷脾飲過亦腐腸略

困尚舉白既頽方卧牀沈迷劇淹旬得疾豈可襍嘔泄
憎膳食乖慵豈冠裳愁醒甫旦朝衰茶還慨慷已復念
傾倒咨呼問瓶甌妻兒惡吾貪誠我以死亡載讀伯倫
傳懦衷更强梁與其憂百年孰若天醉鄉家釀苦屢竭
市沽乏錢囊進歌五柳陶聊美天祿揚幸近豫亭叟其
人固同方有田百頃肥秣秣餘歲益倉憐我數寂寞招邀
共深觴醒往酩酊歸不悟日月長有或致醺酢肴蔬雜

欽定四庫全書

淮園集
卷一

六

矜張叟來坐酣酣肯問味惡良我蹇嗜墳史叟豪樂笙
簧相殊不相關對酌即兩忘如此粗適矣誰猶辨低昂
寧須賣菜傭豈俟白面郎今日又得酒忍為獨沽嘗泔
魚取芳鮮煮狗到爛香及我未病困斟斟足相當亟來
勿踟躕午影上北廊

濟道過飲偶成長句

酤酒榷吏杓買魚市兒籃雖非爛腸宴亦知足一酣冬
景忽卓午晴雲喪墨墨室廬絕綠竹文字入笑談以此

稱出俗相看庶無慙解衫掛前楹豈問布與藍追講石
陂會秋霜正黃柑傳翁最後至嘯詠能交參題詩庶東
閣醉卧堂西庵論子赴官職可余老耕蠶俱為樂榆枋
非傲谿壑貪揆袂歌慷慨睽離各情含寄書建水涯年
歷滿四三不慮復見日乃于郡樓南子為赤髯叟我有
學語男問訊養生具僅能無一簪固知寒儒分未易過
石甌棄置且勿道行腸趣空壙將來難預期既往已備
諳聊盡酌酌興安能每憂悵

欽定四庫全書

灌園集
卷一

七

疇昔

疇昔林野居布絮不粗完及為羈旅人被服乃綺紈何
以出勝處為君究其端離蘇不馥郁傳自故老言魯邦
無君子子賤豈所倫東方足文史得飽在長安蘇秦主
父偃亦各有後歎況乎今異古而本無一屨自非稍激
昂何以脫饑寒辭鄉挈囊書豈敢言王官苟免溝壑禍
微生已成全文章蓋有力溫燠此其源遂離廝養科首
尾只十年篋衣亦何者聊足覆衰殘有破得紉補有新

得縫剗因嗟為短詩所以記初難

粟熟二首

昨者小麥熟野人稍相寬新粟今又黃喜聞不青乾補
助復幾許久饑情所難譬如轍間魚勺水亦暫安澤國
農事苦無功及丘樊方與三日晴湖岸車已喧所以終
歲勤不能離薄田里豪多曠土徒用養茅管雖有願耕
手賦收重夷蠻抵今二種利稀若管中斑偶穢可勸後
必荒誰繼前幸哉雨露仁副此倚望歡

欽定四庫全書

灌園集
卷一

八

種田亦耕山投隙若避毆辛勤望成熟得慰飢歎口彼
豪豈知苦踞坐科束數惜刻以誅收奇贏復何有尚喜
不荒空呼鄰買盃酒

宿凌雲山中留寄元禮

凌雲山下村逆旅路旁宅南征為吾歸寄卧偶一夕無
人伴幽語孤詠到平昔瞻懷此山人曾是同硯席蕭蕭
古破屋文字堆四壁青燈照題評皎月論肝腸為詩有
盈卷飲酒無賸滴攜筇繞平坡班草尚遙碧栽松此山

上共看偏岡眷要約過人長俱來陰芳色羈蹤忽分袂
不啻十載隔世故日紛紜舊游空想憶今來此山下松
老似百尺欲訪松主人其車已他適徘徊重咨歎輾轉
對窻隙晨雞一何慵傾聽久不得春風吹殘月半夜屋
角白難眠却求衣起望河漢及寄聲巖扃去華髮勿強
摘善醉真良圖高談盡癡策雲泉與朝市處處堪偃息
桑榆景可量名利不足識無因接清話趁曉拊征軛已
度滕家橋回頭更悽惻

欽定四庫全書

灌園集
卷一

九

哭劉郎中

谷風拂層冰萬凍條忽流陽暉照積雪寸片不得留郎
中冰雪人清潔映此州誰令司命家速以風日收得非
峻節士地下亦急求哀哉吳隱之已矣公儀休衆皆殖
貨利我獨嫉貪牟衆皆似芳春我獨如霜秋多藏豈不
裕害義固所羞謀身豈不急有命其何憂辛勤洛宋倅
明白盱眙侯未知居此官數有斯人不孤耿一德性紛
綸萬擲掄嗚呼五十年平步落九幽象闕方肅肅銘旌

遽悠悠吁嗟高論儒何以示素修

仕則慕貴顯貪仍憂子孫陽窮詐恬淡此道久滿門嗟
乎郎中心違衆輒十分登科未弱冠白首兩朱轡笑談
傾一坐絕口勢利言遙聞朱頓流索水洗耳根服不至
布絮食不辭羔豚自然清白行皎皎不可昏杳杳浚郊
縣蕭蕭栢林原節士今已矣誰表三尺墳

初釀

歲稔穀價卑家家有新釀諸鄰皆屢醉吾舍只空甕封

欽定四庫全書

灌園集
卷一

十

書已餘米故舊不我相淹旬乃分酬如憊始賜杖搔然
且湛熾督迫薪火旺衰遲念盃觴伺立久骯髒夜聞甕
沸韻側枕屢欣暢朝來見浮蛆喜氣愈豪壯槽端乍流
瀝指面已滌漾肴蔬故稀荒被服稍質當無賓與醕酢
引滿自東向須臾就醺酣豈藉紅粉唱人生但能醉此
外何足望憂勤欲奚為一譽抵千謗瓶罌幸未竭吾盞
且頻康迴思冷醒時愁寂可懲創隔牆聞戴氣涎活復
嗟悵非無畢公心堅壁詎窺傍如今粗沾給後得戒初

喪太息富貴間平生易遺忘

雜興

時情豈不脫轉若輪行車昨日僕役兒今朝賓友徒問
之何因爾勢利已相如福祿固足駭流品胡能拘淺草
有辱免汙淵無瘦魚宜矣潔介士望望成遠疎

題迎賓亭

僧閒有餘日憐客尋幽隈開亭翠岡腹延竚心徘徊年
年車馬多誰是思山來

欽定四庫全書

淮園集
卷一

十一

綠淨橋

涵虛正深明扶檻跨空闊共喜雲退避更憎魚撥刺相
從有文酒謹快到夜月

為子舉杯酒

為子舉杯酒軒然放吟聲豈無哀噫調不盡幽鬱情念
此高簡器早為貧緒縈迷陽乞衣食拍拍歲月更人生
負意氣曷不懷光晶壁言如堅貞松豈為霜霰生永慚苟
活迹胸府針芒并

獨夜

悠悠此世路窘窘諸生業究竟非所宜俱為謬參涉三
年就羈旅萬事轉拘却故山歸無月獨夜夢黃葉

塵埃

塵埃倚風日放蕩乘空飛既眯馳者目亦緇游子衣雨
汁忽散漫低徊化汙泥憧憧要歧路致困在輪蹄六合
局萬有成存各從宜升沉俱害物吐此其天姿

鄧夫子

欽定四庫全書

淮園集
卷一

十二

吾交鄧夫子富有兒俗氣包含吾人道混協時輩事讀
書三十年恬寞無所嗜物古少明眼聲希難側耳自同
崑岡石堅厚保英粹不畏埃壘染非求霖露清幽姿審
如此鑄錯安得致余生豈諧合幸此蒙羣廁上嶽眺高
遠趨濤玩滂淠由來魏王瓠不在惠施棄

戲作數目詩

一屨徒自受想象聖人吐二耜慚沮溺疲羸不善耕三
時徒飽食何力助戎兵四部雖該涉心非太學生五噫

聊慷慨那復慕光榮六逸如堪繼相邀且倒傾七弦休
撫弄里耳悅鏗轟八殺賓宜懼過門豈敢迎九年儲莫
望吟醉但忘情十室論忠信吾窮或有名

南干水

清泚南干水北至白石角中間所經過左右恣衝搏來
當高岸破去復新田作洲磧幾淵潭灣渦或垠塢余思
二十載更易見已數唯此磐陀磯愈激愈堅確不然磯
陰地何足化溪壑固知制變材可健不可弱

欽定四庫全書

淮園集
卷一

十三

上山

行臨烏逕前下馬理屐齒林風清不徹石路晴如洗何
處是招提東峯薄雲起

夜聽車舍哀歌有感而作

晝歌蟬焦焦夜歌蚊灑灑隨牛繞輪轉濁汙常滿把雖
歌未嘗樂至苦不敢捨豈知清涼屋中有悲酸者
甘雨不肯降吾車幾時休溫風忽噴然調苦聲更愁仰
視河漢轉天星愈繁稠寄言擊壤人與爾非同流

蠅驥

超超飛驒尾獵獵蒼蠅翼託止如雅素主之無避色相
從軌騰踴穩望千里益朝芻鴈田粟夕飲龍淵液天山
峻香繚過若影撩隙神官下旁闕展折形歎惜為言墮
蜉蝣命自臭穢得胡然謬携載浼爾雲天豁是時決驟
次何莫懷辟易駸駸驪騮前擬越窮髮北仙風響琳琅
忽遇九方伯殷勤致羈絆審按題肉力咨嗟絕塵足恨
乏軼羣德悲此中道驥憤死秀岡側蒼蠅試回首海霧
光團團進途當此窮退路安可識寄聲人間世遠致毋
近測棲翔度材分勿妄希彩色永鑒蠅驥窮無妨每相
擇

魚蝦

神龍在重淵羣魚喜回環自矜龍族類安佚無後艱曉
戲腥浪餘暮游浮沫間輕則遠拂渚深之下窮灣或掉
其尾萃或昂其首頌或揚鬣鋒銳或耀鱗文斑衆蝦亦
恣睢不慮器質孱跳骹弄牙鬚翕習事狠頑漁師畏龍

欽定四庫全書

淮園集
卷一

十四

威不敢數往還操舟變色過戰汗常盈顏雖有網與矢
豈容虫且彎魚蝦尚忿愠出沒如嫉姦一朝風雷動波
蕩若銀山神龍捨淵去恍惚達九關魚蝦不自喻固欲
嚴追攀奔衝競上擊細大不肯閒須臾雲霧自墮落如
見刪或委頓砂礫或推傷草菅里兒爭擇拾窮血彌望
殷漁師嘯其徒氣貌特愉憫漉淵盡取之不復計鉶鏹
魚蝦雖有悔已死誰悲潛

憶亨甫

欽定四庫全書

淮園集
卷一

五

詩老海上去年斷音塵初非乘桴行正以廩食勤夢
想不悟遠聲容貌難親忍無一紙書不寄故國人昨日
見其子來歸自東濱能言別後意憔悴不可聞一被吏
責繞心腸載愁輪忘殮躡偷黨閱月馳空村勞事欲歌
詠匆匆未成文遂於筆硯間章句絕所陳亦復病肺渴
尋常廢清樽唯餘滿頰鬚增進玉雪痕伊昔坐學舍蕭
條恨長貧題詩日數首大醉必繼句仰望官祿戶謂如
隔天雲豈思曳尾龜勝却居檻猿不肯空谷卧願為監

綬奔毫釐一失差千里豈得論嗟我實蹇拙平生畏侯
門乃無詩老愁何耻鳥獸羣

寄朱九

北風吹寒聲切烈催歲暮中歲楚人怨愁絕不忍賦念
子太學居辛勤即誰愬陰爐擁文火敗禊感陳絮無錢
買酒醪醒坐若酣醺三年詰訓藝一月江淮路歸夢識
親庭都城非此屹干時無好命費力效章句堆箱纂織
辭何以貿泉布男兒營養意汲汲水東注三釜若後時

欽定四庫全書

淮園集
卷一

十六

萬鍾猶不顧勉思豹變義勿守株下兔

道傍見乞士捕蝨

夕陽拂西岡黃淡映古道晚風吹高林病葉落如掃飢
人瘦於鵞倪默坐沙草扶危猶強興力憊輒反倒還持
監縷縫委曲捕蝨蚤視荒數拈空殺緩或失腦悠然不
能罷似欲鉤釣考寧思百骸間羣蟻即入保傍行笑相
顧慧悟信難早嗜傷乃知嫵餒死豈謂好方為大銷滅
而畏小苦惱何有就新蒸先愁稍枯槁衣青嗔罵賤髮